

J. Haupt, Ueber das md. Arzneibuch des Meisters
Bartholomaeus (in Wiener Sitz. Ber. 71. Bd. (1872)

S. 523ff

Von dem eysenchrawt vñ seyner tuent.

Daz ist dew wurtzen dy da hayzzet verbena, eysenchrawt. will du sey craben so ginc dar tzu eynes erichtag nachts vnd eynes phyntztag nachts vnd stoz eyn vingerleyn oben an die wurtz daz von lawtern silber sey vnd sprich also: Genaedigew wurtz ich peswer dich in den eren der heylichen dryvaltigen hait vnsers herren ihesu christi. Genaedigew wurtz ich peswer dich in dem nam des vaters vnd des svns vnd des heylichen geists. G. ich peswer dich pey der potschafft. dew der engel chvndt tet vnsere frau daz si gotes mueter werden scholt an swer vnd auch an allew maylung. G. ist ich peswer dich pey der peschaffung da got hymel vnd erd peschueff vnd allez daz dar inne beslozen ist. G. ich peswer dich pey dem vall vnd got denn tewfel vallen hiez von dem hymel vnd pey den panten da er in mit gepvndten hat, da er ymmer inne genangen muz seyn. G. ich peswer dich pey den werichen vnd got den menschen waricht mit seyner gotleichen handt. G. ich peswer dich pey dem stozz daz got Adam avz dem paradeys stiez. G. ich peswer dich pey der heylichen gepurd vnsers herren. G. ich peswer dich pey (f. 130c) der heylichen tawff dy vnsere herr ennphe von sand Johannes. G. ich peswer dich pey der den heylichen viertzikch tagen vnd pey der vaenchnuss vnsers herren ihesu christi. G. ich peswer dich pey dem gepet daz got hitz (!) seynem vater tet auf dem perig Oliueti. G. ich peswer dich pey der durneynen chran (!) ihesu christi dy got in seyn hawpt gedrukht wardt. G. ich peswer dich bey dem minnehaizzen pluet daz got auz seynem hertzen ran. G. ich peswer dich pey dem seyndleichen gang den vnsere here tet da er daz heylich chrewtz auf ym trueg. G. ich peswer dich pey dem pyttern drankch daz vnsere her nam an dem heylichen chrewtz. G. ich peswer dich pey dem aengleichenn reschray den vnsere herr tet an dem heylichen chrewtz. G. ich peswer dich pey den heylichen fünf